



Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

13 Mai 2016 ~
(06 Shabaan 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « [L'Islam & L'Unité](#) »:

L'ISLAM & L'UNITÉ

Le Saint Prophète de l'islam, Hazrat Muhammad (saws), sa même prophète ki fine transmette l'islam, et tous so bane députés ki Allah fine envoyé dans so l'Oummah jusqu'au Jour du Jugement zot ena le devoir sacré pour guide l'humanité dans so l'ensemble vers le *Tawhid*, c'est-à-dire, l'unité d'Allah (Le Tout-Puissant) et pour sa, la fraternité humaine li vitale. Si le corps de l'Oummah (en l'occurrence, l'Oummah Mouhammadiyya); non seulement le corps de l'Oummah, mais aussi si le corps de l'humanité dans so l'ensemble divisé, alors sa division là pou touzour cause bane fissures dans la foi et pas pou produire sa excellent réunification de tous bane l'âmes lor la terre pour l'adoration d'ene sel Dieu, ki même Bondié ki le Créateur de bane les ciels et de la terre, la source même de tous bane la vie.

La fraternité humaine dans l'islam c'est celui ki veille à ce ki l'islam pas tombe dans le sectarisme de base, la supériorité pré-judiciaire ou la division volontaire. Sa bizin reste clair dans l'esprit, ki dans so racine même de bane significations et culture, l'islam veut dire la paix. L'islam veut dire la soumission à la volonté d'Allah Le Tout-Puissant, la paix avec le Tout-Puissant, la paix avec nous-mêmes, la paix avec les autres, la paix avec l'humanité.

Li existe actuellement ene distorsion machiavélique et délibérée de vrai signification saint de l'islam. Sa vine de bane connaissances dérisoires, et même de bane hearsay et li vine aussi de bane mauvais actions ki bane dimoune faire au nom de l'islam. L'idéologie occidentale fine délibérément fabrique so propre zimaaze de l'islam et fine diffuse sa zimaaze là dans le monde

entier, créant ainsi une psychose (une peur extrêmement profonde) lors de l'islam et bane musulmans. Sa l'image pervertie de l'islam là fine malheureusement corroboré par bane « extrémistes »; une terme ki fine inventé par sa même préjugé occidental là dans so plan pou ternir bon image de l'islam.

Nous le monde aujourd'hui renonce à la paix parski li obsédé par une complexe de supériorité, par bane manipulations ethniques, par la quête de bane affaires de sa l'émonde temporaire là, par panthéisme, par bane revendications territoriales et bane tendances égoïstes.

L'islam enseigne nous pou pratique l'humanitarisme. Nous tous nous bane êtres humains ki appartenir à une seule classe et une seul groupe. Nous appartenir essentiellement à la famille de bane êtres humains sans aucune discrimination. Allah Le Tout-Puissant jamais fine servi aucune discrimination kan li fine faire la création. Si nous guette bane bébés dans une maternité, nous pas pou capave distingue tous bane bébés parski tous pareil. Telle est la volonté d'Allah dans le Quran Shareef: **Ô bane dimounes! Craigne zot Maître ki fine créé zot d'une seul être, et fine créé à partir de li so compagne et ainsi de sa deux là fine fer répandre beaucoup de bane z'hommes et de bane femmes.** (An-Nisa 4: 2)

La procréation, l'explosion démographique (c'est-à-dire, une belle augmentation dans le nombre de la population) trouve so l'origine dans le premier homme, Adam et premier madame, Eve. Biologiquement parlant, pas ena aucune différence dans bane êtres humains. Bane z'hommes et bane femmes zot sorti de même l'émonde.

Le Quran Shareef pas arrête répète sa la vérité simple là: **Ô hommes, Nous fine créé ou d'une mâle et d'une femelle, et fine fer de zot bane nations et bane tribus, pour ki zot faire connaissance entre zot.** (Al-Hujurat 49: 14)

La conception de l'homme pas souffère d'aucune discrimination dans lizié d'Allah. Comment eski l'homme capave maintenant invente la supériorité? Islam favorise bane concepts de l'égalité de bane dimounes. Li du devoir sacré de sak être humain pou travaille en faveur de l'égalité. Dans l'islam, pas ena aucune degré de supériorité ou d'infériorité, pas de différence ou de séparation pendant la prière en congrégation entre bane riches et bane pauvres. Pendant la prière (*Salat*), une musulman li lor une pied d'égalité avec so bane frères. Et le système de Zakat ki fine institué par Allah montré la solidarité économique en vue pou rédresse bane inégalités économiques.

Islam prêche l'unicité d'Allah. Jamais li fine fer appel à bane conflits ouverts entre bane croyants. L'islam accepter tous bane révélations précédent parski zot vine d'Allah. Bane interprétations (de sa bane révélations là par l'homme) capave divise bane croyants, mais le Quran Shareef donne clairement sa l'instruction là: **Dire, Nous croire dans Allah et dans saki fine révélé à nous et saki fine révélé à Ibrahim, Ismaël, Isaac et Yaqub et bane Tribus, et ce ki**

Moosa et Issa fine recevoir, et ce ki bane prophètes fine recevoir de zot Maître. Nous pas fer aucune distinction entre zot et nous soumette à Li (Allah). (Al-Baqara 2: 137).

L'islam jamais fine enseigne la discorde ethnique ou religieux. Au contraire, nous appelé à accepter bane révélations et bane prophètes ki ti vini avant. Bizin ena ene dialogue interreligieux ki pou capave permette pou préserve la paix et éclaircir bane doutes et bane différences. Le Quran Shareef demande nous pou vive en harmonie avec tous bane dimounes couma sa verset là témoigné: **Bane croyants zot ene sel fraternité, alors faire la paix et la réconciliation entre zot bane frères. Et craigne Allah afin ki zot capave recevoir la miséricorde.** (Al-Hujurat 49: 11).

L'islam li sans aucune doute ene la religion non violent. Bane ki faire la violence et rode sème désordre partout, et ki fine dépasse limites dans sa bane mauvais actions là, sa bane actes terroristes là, zot poussé pou fer sa par bane motifs égoïstes ki ena heureusement rien à voir avec l'islam. Sa bane dimounes violents là, ki rode mette désordre partout, zot bane actions li la plupart du temps causer par bane tactiques politiques kot zot simplement servi l'islam comme ene bouclier afin pou gâte so bane propres vertus, so l'honneur pure et propre. Sa bane dimounes là pas capave appelle zot musulmans parski zot pas pratique ce ki l'islam ordonne zot pou faire, et dans Quran Shareef, Allah dire: **Si kikaine désire ene religion autre ki l'islam (soumission à Allah), sa jamais pou être accepter de li.** (Al-Imran 3: 86).

En fait l'islam pas tolère terrorisme quelle que soit forme dans ki li capave être emballé. Le concept de la fraternité de bane dimounes pou alor compromis (pou en danger). Li pou ene zaffaire inutile pour ene non-musulman si li laisse li aveugler par le processus systématique de bane mauvais informations. L'islam li clairement anti la violence. Allah Le Tout-Puissant averti bane ki servi la violence ki zot pou bizin fer face à So la justice et gagne saki zot mériter (comme punition). N'importe ki sanlà ki perturbe la paix publique, menace l'ordre public, prend la loi dans so propres la mains, endommage bane biens publics, commette ouvertement bane actes de vandalisme, etc. alors Allah averti zot ki Li pou fer la justice contre zot. Dans Quran Shareef, Allah dire: **Blâme pou seulement contre bane ki opprime bane dimounes et transgresse avec insolence au-delà de bane limites à travers la terre, en défiant le droit et la justice: sa bane là pou gagne ene punition douloureux.** (Ash-Shura 42: 43).

En ce ki concerne bane conquêtes, bane conversions, nous bizin rappel ki l'islam pas force personne pou accepter la foi islamique, parski la foi bizin vine de lécoeur même d'ene musulman, d'ene croyant. Ena dimounes fine injustement pensé ki l'islam recommande bane combats et ki la foi musulmane li dirigé par bane poursuites agressif. Le Quran Shareef dire: **Lutte pour la cause d'Allah bane ki combatte zot, mais pas transgresse bane limites parski Allah pas content bane transgresseurs.** (Al-Baqara 2: 191).

L'islam reconnaît le droit d'ene dimoune ki li libre pou choisir so la foi et l'islam li en aucun cas donne sa commandement là pou force dimounes pou converti dans l'islam. L'islam pas prêche servi la force pou fer dimounes accepter l'islam ! **À ou ou religion, et à moi mo religion.** (Al-Kaafirun 109: 7)

Ki Allah permette à l'humanité pou médite lor So bane paroles de vérité ki contenu dans le Quran Shareef et ki bane députés spéciales d'Allah expliqué parski sa bane représentants d'Allah là agir couma bane professeurs et guides pour amène zot auprès d'Allah et à ene meilleure compréhension de zot relation avec Celui ki fine créé zot et fine accorde zot So miséricorde, bane provisions, bane abri et l'amour. Bane frères musulmans bizin content zot camarade pour l'amour d'Allah et zot bizin faire preuve de compassion, et alors Allah pou content zot et servi zot couma ene instrument pour guide bane les autres dimounes vers Allah et Li pou permette zot pou vive en harmonie, à la fois dans sa le monde là et dans l'autre. *Insha-Allah*. Dans sa l'époque là, Allah Le Tout-Puissant fine choisir moi et commande moi pou donne zot So message, pour averti zot (contre bane pratiques anti-islamiques et aussi pour averti zot de So colère et So punition aussi) et pour guide zot vers Li. Si zot écoute et suive mo l'exemple, zot pou gagne le bonheur dans tous les deux lémondes mais si zot mette de côté (zot ignore) message ki mo fine vini pou donne zot et zot casse bane relations et zot moque de bane signes et de bane révélations d'Allah, alors Allah suffi pou So messenger choisi, So Khalifatullah et So bane véritabe serviteurs.

Ki Allah ouvert lé cœur de l'humanité afin ki zot reconnaît So la lumière et guide zot vers sa. *Ameen*. **En Allah nous place nous confiance et c'est vers Li le retour.**